



Ilaqutariinnermut Peqqissutsimullu Ataatsimiititaliaq  
mika@ina.alla.gl  
Inatsisartut@inatsisartut.gl

**Peqqinnissamut tunngatillugu namminersortut aallartissinnaaneq  
ingerlatsisinnaanerlu pillugit Ilaqutariinnermut Peqqissutsimullu  
Ataatsimiititaliap apequtaanut akissut**

17-05-2024  
Suliap normua- 2024 - 7138.  
Allagaatip suussusaa:  
24189311

UPA2024/133-p ataatsimiititaliami suliarineqarneranut atatillugu Ilaqutariinnermut  
Peqqissutsimullu Ataatsimiititaliap apequtaanut qujanaq. Apequtigineqartut  
tullinnguuttuni ataasiakkaarlugit uteqqinneqarput akiortorneqarlutillu.

Postboks 1160  
Oqarasuaat:  
34 50 00  
Fax: 34 55 05  
3900 Nuuk

Email: [pn@nanooq.gl](mailto:pn@nanooq.gl)  
[www.naalakkersuisut.gl](http://www.naalakkersuisut.gl)

**1. Nakorsat namminersortut namminneq nakorsiartarfiliornissaannut suut  
aporfiunersut itisileqqullugit Naalakkersuisut qinnuigineqarpoq?**

**Akissut:**

Peqqinnissamut tunngasunik namminersortut ingerlatsilerneq soorlu nakorsatut  
assigiinngitsutigut pisinnaavoq. Pisortat peqqinnissaqarfimmik ingerlatsisusut  
suleqatiginagit suleqatigalugilluunniit ingerlanneqarsinnaalluni. Peqqinnissamut  
tunngatillugu namminersortut akuerisatut ingerlatserusuttoq  
aporfissaqartinneqanngilaq. Assersuutigalugu Nakorsatut namminersortut  
ingerlatsisoqarsinnaavoq. Peqqinnissamut tunngatillugu sullissinerit annikitsut  
massakkut Nuummi namminersortunit neqeroortigineqartareerput soorlu  
namminersortunik kigutilerisoqarlunilu tagiartuisartoqarpoq allanillu peqqinnissamut  
tunngasunik annikitsunik sullissisoqartarluni.

Taamaattumik namminersortut nakorsiartarfimmik pilersitsisoqarsinnaavoq,  
taamaattorli nakorsat namminersortut pisortat peqqinnissaqarfiannik annertuumik  
suleqateqassappata pissutsit assigiinngitsut misissorneqaqqaartariaqarput  
aalajangigassallu assigiinngitsut eqqarsaatigalugit naalakkersuinikkut tunngaviumik  
aalajangertoqartariaqarluni.

Taamaattumik nakorsat namminersortut Peqqinnissaqarfiup atortuinik sulisuinillu  
suleqateqarsinnaanerlutit atugassaritassat isummerfigineqartariaqarput. Pingaarnertut  
qinnguartaanernut laboratoriamulluunniit sulianut tunngasunut atuisinnaanermut  
akiligassanulluunniit aalajangigassanut tunngapput. Napparsimasut  
Peqqinnissaqarfimmut nangillutik suliaritissinnaanissaanut innersuussisarnissanut  
periarfissat atugassaritassallu paasinianeqaqqaartariaqarputtaaq. Tamatuma  
saniatigut nakorsat namminersortut Peqqinnissaqarfiup qarasaasianik  
atortorissaarutaanik soorlu laboratoriami misissuinerni seqersinnernilu aammalu  
Nunatta Nakorsaataasivianik atuisinnaanissaat isummerfigisariaqarpoq.

Tassunga ilanngullugu pissutsit pingaarutillit arlallit itisilerneqarput, taakku nakorsat  
namminersortut pisortallu peqqinnissaqarfiata akornanni annertuumik  
suleqatigiittoqaratarsinnaanissaanut erseqqissarneqassapput.

1. **Nakorsaatit:** Nakorsaatit nunatta nakorsaataasivianit nunatta avataaniit tikisinneqartarput, taanna allat nakorsaatinik nunatsinnut tikisitsisinnaanissaannut akuersissuteqarsinnaavoq. Ullumikkut ilaatigut uumasut nakorsaat kigutillu nakorsaat namminersortoq nunatta nakorsaataasivia avaqqullugu nakorsaatinik tikisitsinissamut akuersissuteqarput. Periutsit tullinnguuttut periarfissaassapput:
  - a. Nakorsaq namminersortoq nakorsaatinik tikisitsisinnaassaaq. Kingorna nakorsaatit taakku nakorsiartunut tuniniarsinnaavaat. Kigutit nakorsaat namminersortoq taamaaliortarpoq.
  - b. Kigutileriffiit namminersortut nakorsaatissanut allagartaliisinnaavoq pisortat peqqinnissaqarfianut aaneqarsinnaasumik.
    - i. Nakorsat namminersortut Cosmic-imi nakorsaatinut modulikkut nakorsaatissanut allagartaliisinnaapput, kingorna innuttaasup nakorsaat Nunatta nakorsaataasiviani piasrisinnaallugu.
    - ii. Tamakkiisumik ilaannakortumilluunniit atuisunut akiliuteqartitsineq (Nakorsaq namminersortoq nakorsaatissanut allagartanik sullissinermut nakorsaataasivimmum akiliisassaaq). Atuisunut akiliuteqartitsisoqartassappat, pisinermi akimut tunngatillugu taanna qanoq annertutigissava.
    - iii. Nakorsat namminersortut nakorsaatissanut allagartanik Cosmic-imi nakorsaatinut moduli aqqutigalugu tunniussisinnaapput, kingorna nakorsaat innuttaasunit akeqanngitsumik pissarsiarineqartarluni. Matumani nakorsaatinik pisortat neqeroorutigisinnaasaannut ilaannngitsunik tunniussisoqarsinnaassanersoq isumaliutigineqassaaq. Assersuutigalugu nakorsiartunut 40 ataallugit BMI-linnut sanigorsaatitut nakorsaataasinnaapput.

2. **Peqqinnissaqarfimmi laboratoriamik aamma qinnguartaatinik/scannerutinik atuineq.**

Maannakkut peqqinnissaqarfik kisimi laboratoriaqarpoq. Nakorsaq namminersortoq laboratoriamik nammineq pilersitsisinnaassaaq imaluunniit Kalaallit Nunaata avataani laboratorianik atuisinnaassalluni. Piviusumik nakorsaq namminersortoq Nuummi DIH-imi ininik atuinissaq pillugu peqqinnissaqarfimmik suleqateqarnissamut isumaqatigiissuteqarani siammasinnerusumik suliaqarsinnaanissaa ajornakusuussaaq. Periutsit tullinnguuttut periarfissaassapput:

- a. Peqqinnissaqarfiup sinneratulli ininik atuisinnaaneq, tassa imaappoq utaqqisoqarsinnaasassasoq. Akiliisarneq annertusiarortinneqarsinnaavoq akeqanngitsumiit tamakkiisumik akiliinermum, tassunga ilanngullugit allaffissornermut aningaasartuutunut akiliuteqarneq.
- b. Nakorsiartunut nunani allani namminneq akilikkaminnik katsorsartikkiartorsimasunut pissutsit assigalugit ininik toqqaannartumik atuinissamik itigartitsineq. Nakorsiarniartut attaveqarfissat nalinginnaasut aqqutigalugit saaffiginnittariaqarput nakorsamiillu namminersortumit paasiniaaffigitinnissamut katsorsartinnissamullu siunnersuutinik saqqummiussillutik.

3. **Pilattartinnissamut nakorsaatinilluunniit katsorsartinnissamut kiisalu timimik sungiusaasumut pillorissaasumullu innersuussineq.**

4. Immikkoortoq 2-mi taaneqartut assinginik periarfissaqarpoq. Qanoq isumaqatigiissuteqartoqarnersoq apeqqutaatinnagu, nakorsiartoq pinasuartumik katsorsarneqartariaqartoq nakorsap nalilerpagu Peqqinnissaqarfiup nakorsamit

namminersortumit saaffiginnissutaasoq ingerlaannartumik  
iliuuseqarfigisussaataavaa.

- a. Nakorsat namminersortut immikkut ittumik ilisimasalimmit  
paasinaaffigineqarnissamut katsorsartinnissamullu  
innersuussisinnaanissaat naalakkersuinikkut aalajangerneqarpat,  
saaffiginnissutaasoq itigartinneqarpat qanoq iliortoqarsinnaaneranut  
najoqqutassat pisariaqartinneqassapput, katsorsartinneq kissaatigineqartoq  
pisortat peqqinnissaqarfianni nalinginnaasumik neqeroorutaanngimmat.

## 5. Peqqinnissaqarfiup napparsimasut pillugit elektroniskiusumik nalunaarsuivianik atuineq (EPJ, Cosmic)

Nakorsap namminersortup nalunaarsuisarnissamut piumasaqaatit atuuttut  
malittariaqartussaassavai. Periutsit tullinguuttut periarfissaassapput:

- a. Ingerlatsisut namminersortut namminerisamik nalunaarsuineramik  
aqutsissummik pilersitsillutillu aningaasalersuissapput. Suliassaqarfiit  
(laboratoriami suliarineqartartut il.il.) immikkoortoq 2-mi taaneqartut pillugit  
suleqatigiittoqarnissaa ammaanneqarpat Cosmic-imut atuasinnaaneranut  
pisinnaatitaaffiit pillugit isumaqatigiissusiortoqarsinnaassaaq. Matumani  
aningaasartuutitut attuumassutilinnut tunngatillugu atuisunut  
akiliuteqartitsisoqarsinnaassaaq.
- b. Ingerlatsisut namminersortut Cosmic-imi tamakkiisumik atuisunngussapput  
immikkullu namminneq nalunaarsuiffimminni nalunaarsuisassallutik.  
Paasissutissanik suliaqartarnermut isumaqatigiissummik pisarialimmik  
suliaqarnissamut nakkutilliinissamullu tunngatillugu aningaasartuutitut  
aamma aallartinnissamut ingerlatsinissamullu akiliutissanik atuinermut  
aamma akiliuteqartitsisoqarsinnaavoq.

*Nakorsatut namminersortutut aallartissinnaaneq ingerlatsisinnaanerlu pillugit allakkiami,  
Ilaqutariinnermut Peqqissutsimullu Ataatsimiititaliamut 14. maj 2024 nassiunneqartumi  
apeqqut 1-imi apeqqutigineqartut apeqqullumi tamarmiusoq eqqarsaatigalugu itisilerlugit  
allaasserineqarput.*

## 2. Aporfinnut taakkununnga/tunngasut siusinnerusukkat misissorneqarneri/nassuiaasiorneqarneri qulaajarneqarnikuuppat?

### Akissut:

Pissutsit aporfiusinnaasullu paasineqareerput taamaattorli aaqqiissutissaajunnartuni  
assiginngitsuni allaffissornikkut aningaasaqarnikkullu sunniutissat suli  
paasineqarnikuunngillat tamakkiisumillu misissorneqarnikuugatik. Taamaattumik  
UPA2024/133-ip siullermeernerani Naalakkersuisut allannguutissatut  
siunnersuuteqarput nakorsat namminersortut peqqinnissaqarfiullu suleqatigiinneratigut  
aningaasatigut allaffissornikkullu sunniutissat pillugit nassuiaammik suliaqarnissamik  
Naalakkersuisut peqquneqarnissaanik. Peqqinnissamik suliallit namminersortut  
peqqinnissaqarfik suleqatigalugu atorneqarnerusinnaaneritut periarfissat pillugit  
nassuiaat politikikkut isummernissanut tunngavissiisaaq.

## 3. Nakorsanut namminersorlutik nakorsatut maanna sinaakkutit atuuttut immikkut eqqumaffigineqartariaqarpat?

**Akissut:**

Nakorsatut namminersortutut ingerlatsisoq nammineq ingerlatsissaaq sulianilu innuttaasunut suliarineqarsimasunut akiligassanngortittartussallugit. Nakorsat nakorsaatinik tunniussiniarunik, nakorsaatit eqqunnissaannut qinnuteqaqqaartariaqarput. Tamatuma kingorna nakorsaq akilersitsilluni nakorsaatinik innuttaasunut tunniussisinnalissaaq. Ullumikkut ilaatigut uumasut nakorsaat kigutillu nakorsaat namminersortut nunatta nakorsaataasivia avaqqullugu nakorsaatinik tikisitsinissamut akuersissuteqarput.

**4. Nakorsat namminersorlutik nakorsatut sulinissaminnut inatsisitigut aporfissaqarpat?**

**Akissut:**

Nunatsinni peqqinnissaqarfimmut inatsisaareersut naapertorlugit nakorsatut namminersortutut aallartissinnaaneq ingerlatsisinnaanerlu periarfissaareerpoq.

Aammattaaq apeqqut 1-imut akissut takuguk.

Med venlig hilsen  
Inussiarnersumik inuulluaqqusillunga



Agathe Fontain